



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

19 SEPTEMBER 2021 (AHAD)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

19 SEPTEMBER 2021 (AHAD)

34 peniaga ingkar penetapan jualan kit ujian sendiri



Rosol (dua dari kanan) berkata sesuatu kepada penerima vaksin yang hadir ke PPV ABM Wilayah Timur di Jenagor pada Sabtu.

HULU TERENGGANU – Kementerian Perdagangan Dalam Negeri dan Hal Ehwal Pengguna (KPDNHEP) mengesan 34 peniaga menjual kit ujian sendiri antigen Covid-19 melebihi harga kawalan.

Timbalan Menteri KPDNHEP, Datuk Rosol Wahid berkata, ia hasil pemeriksaan lebih 1,800 farmasi, klinik dan premis yang menjual kit ujian sendiri antigen Covid-19 di seluruh negara bermula dari 5 hingga 17 September.

“Daripada jumlah itu, didapati 1,552 peniaga menjual kit ujian mengikut harga kawalan, manakala 185 premis

lagi menjual di bawah harga RM19.90.

“Satu kompaun RM250 dikeluarkan kerana menjual melebihi harga maksimum,” katanya selepas melawat Pusat Pemberian Vaksin (PPV) Akademi Binaan Malaysia (ABM) Wilayah Timur di Jenagor di sini pada Sabtu.

Harga borong dan runcit kit ujian sendiri Covid-19 diletakkan di bawah kawalan berkuat kuasa 5 September menerusi Akta Kawalan Harga dan Antipencatutan 2011 dan Akta Kawalan Bekalan 1961.

Ia dijual pada harga RM16 (borong) dan RM19.90 (runcit) bagi satu set.

Rata-rata peniaga patuh harga jualan kit ujian sendiri

Kuala Berang: Kadar pema-
tuan peniaga dan pengu-
saha farmasi terhadap harga
jualan kit ujian sendiri Co-
vid-19 agak memuaskan
apabila hanya 34 kes menjual
melebihi harga kawalan di-
rekodkan Kementerian Per-
dagangan Dalam Negeri dan
Hal Ehwal Pengguna (KPD-
NHEP) setakat ini.

Jumlah itu dikesan KPD-
NHEP hasil daripada lebih
1,800 pemeriksaan di selu-
ruh negara sejak harga
kawalan kit ujian berkenaan

ditetapkan pada harga kawa-
lan RM16 untuk borong dan
RM19.90 untuk runcit ber-
mula 5 September hingga
kelmarin.

Timbalan Menteri Perda-
ngan Dalam Negeri dan
Hal Ehwal Pengguna Datuk
Rosol Wahid berkata, setakat
ini pihaknya mengeluarkan
sebanyak satu kompaun ber-
nilai RM250 terhadap penia-
ga yang menjual kit ujian
sendiri melebihi harga di-
tetapkan manakala baki kes
masih dalam siasatan dan

ada yang diberi amaran.
Beliau berkata, kompaun
itu dikeluarkan pihaknya
mengikut Akta Kawalan
Harga dan Antipencatutan
2011.

"Daripada lebih 1,800 pe-
meriksaan itu, sebanyak
1,552 peniaga dan pengu-
saha farmasi mem-
beri kerjasama
baik dan men-
jual mengik-
ut harga
kawalan
manakala

185 lagi menjual di bawah
harga kawalan.

"Ia hasil pemeriksaan di
seluruh negara dengan ke-
banyakan kesalahan dikesan
di Lembah Klang, Johor dan
Pulau Pinang.

"Berdasarkan pemeriksa-
an ini, kita dapati ia (pen-
jualan kit ujian
sendiri melebihi
harga) ma-
sih terkawal
dan peme-
riksaan
berteru-

san akan dijalankan bagi
melindungi hak pengguna,"
katanya ketika melawat Pu-
sat Pemberian Vaksin (PPV)
Akademi Binaan Malaysia
Jenagor di Hulu Terengganu
di sini, semalam.

Mengulas mengenai per-
kembangan terkini program
vaksinasi Covid-19 di Par-
limen Hulu Terengganu pu-
la, Rosol berkata, seramai
50,409 orang sudah mene-
rima suntikan vaksin per-
tama dengan 41,439 daripa-
danya sudah lengkap ke-

dua-dua dos suntikan vak-
sin.

Di samping itu, menurut-
nya, terdapat seramai
88,200 orang populasi de-
wasa di Parlimen Hulu Te-
rengganu dengan 56,600
orang daripadanya disasar-
kan layak menerima sunti-
kan vaksinasi.

"Berdasarkan data terkini
ini, program imunisasi Co-
vid-19 di parlimen ini ber-
jalan dengan baik dan men-
capai sasaran imuniti ke-
lompok," katanya.

50,409
sudah menerima
suntikan vaksin pertama
di Hulu Terengganu

Harga telur, ikan naik sebab permintaan tinggi

HULU TERENGGANU – Kementerian Perdagangan dan Hal Ehwal Pengguna (KPDN-HEP) mengesan berlaku sedikit kenaikan pada telur ayam dan ikan di pasaran sejak akhir-akhir ini.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, begitu pun kenaikan itu hanya pada kadar minimum dan tidak menyeluruh di seluruh negara.

Beliau berkata, selain faktor cuaca, permintaan melebihi penawaran antara sebab berlakunya kenaikan pada harga ikan dan telur tersebut.

“Permintaan terhadap bahan makanan seperti telur ayam dan ikan telah meningkat sebab pembukaan semula sektor pelancongan dengan lebih banyak premis makanan dan hotel mula beroperasi semula.

“Begitupun, kenaikan itu tidak ketara sedangkan harganya didapati masih stabil di sebahagian besar kawasan di negara ini,” katanya ketika ditemui selepas memantau program

Outreach Vaksinasi di Akademi Binaan Negara Wilayah Timur di Jenagor di sini semalam.

Rosol berkata, apa pun, KPDNHEP tetap mengambil serius dengan melakukan pemantauan berterusan dan mengambil inisiatif bagi terus menstabilkan semula harga barangan keperluan.

Tambah beliau, pasukan penguat kuasa KPDNHEP telah mengeluarkan 136 notis pengesahan maklumat terhadap penjual telur ayam sepanjang bulan lalu.

“Siasatan lanjut mendapati tiga peniaga terbabit disyaki telah menjual telur ayam dengan harga mahal sekali gus melakukan kesalahan pencatutan.

“Selain itu, KPDNHEP juga mengambil inisiatif libat urus yang melibatkan pemain industri ayam dan telur ayam bagi menstabilkan harga dua barangan keperluan itu untuk jangka panjang,” katanya.

“Ia bertujuan bagi menstabilkan harga ikan pada musim tengkujuh,” ujarnya.